

SPECIMEN MEDICUM

INAUGURALE,

EXHIBENS

COLLECTANEA QUAEDAM MEDICO-
PRACTICI ARGUMENTI, EPIDEMIAM

ANNI 1826 ET 1827 GRONIN-

GANAM SPECTANTIA,

AUCTORE

— M. Nauta Peters, —

FRISIO - ORIENTALI.



GRONINGAE,

Ex officina W. ZUIDEMA, Typographi.

1828.

F

XVII

m.27

4059/P

F xvii

SPECIMEN MEDICUM
INAUGURALE,

EXHIBENS

COLLECTANEA QUAEDAM MEDICO-PRACTICI AR-
GUMENTI, EPIDEMIAM ANNI 1826 ET 1827
GRONINGANAM SPECTANTIA,

QUOD,

FAVENTE SUMMO NUMINE,

EX AUCTORITATE

RECTORIS MAGNIFICI

SEERPII BROUWER,

*Math. Magist. Philos. Natur. Med. et Art. Obstet. Doct.
in facultate Disciplin. Mathematic. et Physic.
Profesforis Ordinarii,*

NEC NON

AMPLISSIMI SENATUS ACADEMICI CONSENSU
ET NOBILISSIMAE FACULTATIS
MEDICAE DECRETO,

PRO GRADU DOCTORATUS,

SUMMISQUE IN MEDICINA HONORIBUS
AC PRIVILEGIIS,

IN ACADEMIA GRONINGANA RITE AC LEGITIME
CONSEQUENDIS ;

Solemni Facultatis Examini submittit

MARIUS NAUTA PETERS,

FRISIUS ORIENTALIS.

Die IX Februarii MDCCCXXVIII. Hora XI.



GRONINGAE,

Ex officina W. ZUIDEMA, Typographi.

THE UNIVERSITY OF CHICAGO
LIBRARY

1911-1912
JAN 10 1912

1911-1912
JAN 10 1912

1911-1912
JAN 10 1912

1911-1912
JAN 10 1912

1911-1912
JAN 10 1912

1911-1912
JAN 10 1912

P A T R I O P T I M O

N E C N O N

V I R I S C L A R I S S I M I S

M E D I C I N A E P R O F E S S O R I B U S I N
A C A D E M I A G R O N I N G A N A ,

E T


I N A C A D E M I A G E O R G I A A U G U S T A
P R A E C E P T O R I B U S S U M M E V E -
N E R A N D I S ,

S A C R U M .

Digitized by the Internet Archive
in 2018 with funding from
Wellcome Library

SPECIMEN MEDICUM INAUGURALE,

EXHIBENS
COLLECTANEA QUÆDAM MEDICO-PRACTICI AR-
GUMENTI, EPIDEMIAM ANNI 1826 ET 1827
GRONINGANAM SPECTANTIA.



INTRODUCTIO.

Cum per triennium in Academia Göttingensi,
et per totidem fere annos in hac alma universi-
tate degerim, studiis meis absolutis, restat, ut
pro laurea doctorali legitime impetranda, ulti-
mum impleam officium: ut scilicet dissertationis
loco aliquod in arte profectuum qualecumque ex-
hibeam specimen. Hunc in finem momentosa illa
mihi arridebat materies, ut in ea inquirerem me-

dicamenta, quae, corticis Peruviani succedanei loco, in curandis febribus intermittentibus adhibita fuerint, et qualem haec in ipso artis exercitio habuerint successum. Verum, quum in hac re perquirenda, aliquamdiu versatus essem, tempus tamen ad amplissimam hanc materiem elaborandam mihi defuit, cum aegrotantium numero obrutus, et totus quantus in curandis pauperibus occupatus, ad hanc rem publica auctoritate munitus, ab hoc opere exsequendo desistere fuerim coactus. Veniam itaque pro laude paciscens, pauca, quae in huius Epidemiae decursu memorabilia nobis visa sunt, speciminis loco exhibere constitui.

Sed antequam ad ipsius argumenti tractationem accedo, praeceptoribus, Viris Clarissimis, quos in utraque Academia habui, publice gratias agere iuvat, cuius rei occasionem me nactum esse, magnopere laetor.

Tibi in primis Vir Clarissime L. Mende, gratum animum testificari lubet, qui me, Göttingen-

tingae studiis operam dantem, artem obstetriciam ita docuisti, ut quidquid in ea profecerim, Tibi acceptum referam, tum vero ad domesticam etiam familiaritatem admittere voluisti, e qua quantam voluptatem, et, quod maius est, quot fructus me percepisse dicam? Benevolo, quaeso, animo discipuli quondam Tui gratias accipe, Vir Clarissime, resque Tuas in artis medicae, Georgiae Augustaeque emolumentum diu feliciter age.

Haud minores Tibi debentur gratiae, Vir Clarissime, E. I. Thomassen à Thuessink, promotor aestumatissime, cui tot nominibus obstrictus sum: nam praeterquam quod ex egregiis Tuis lectionibus multum didici, privatis admonitionibus non minus mihi profuisti. Quoties ad Te accederem, humaniter me recepisti; de rebus ad medicinam, praesertim practicam, pertinentibus saepe mecum loqui voluisti, unde factum est, ut nunquam nisi doctior a Te abirem. Pro omnibus his beneficiis gratias Tibi ex intimo animi

sensu ago, neque quidquam optare possum, quod et mihi et omnibus, qui medicam scientiam colunt, gratius sit, quam ut diuturna et placida fruaris senectute, scriptisque Tuis in posterum etiam nos docere pergas.

Amicis item hac occasione valedico: mei ne obliviscantur, ut ego eorum memoriam semper grata recordatione celebrabo.





§

1.

*Generalia quaedam circa decursum et
indolem Epidemiae.*

Et primo quidem pauca circa decursum et indolem febrium, quae his annis urbem nostram, agrum circumiacentem, imo totum littus boreale, inde a mari Baltico ad Isalam usque, misere devastaverunt, et immensam stragem produxerunt, dicenda sunt.

Scilicet, postquam per biennium, hic illicve in nostra urbe, febres intermittentes solito numero frequentiores, sese manifestaverant, post insolitam siccitatem vernalem, et calorem ardentissimum ineunte aestate sese monstrantem, mense Iunio exeunte, uno quasi impetu febres sese ostenderunt, intra vulgus adeo frequentes, ut iis curandis vix sufficerent medici. Hae autem febres, vix ineunte

Epidemia, ullum adferre periculum videbantur, sed blanda facie gastricam naturam induxisse videbantur. Ast non diu post, continuante calore exsiccante, raro pluviis cadentibus, vento vix ullo calorem et vapores diffiante, malignam naturam induxisse videbantur, et sub hemitritaeae forma gravibus symptomatibus stipatae observabantur, et nunc sub cholericæ, nunc diarrhoeicæ, nunc encephalitica vel apoplectica forma, medicum ludere incipiebant, et multos inopinatò e medio tollebant. Non diu tamen harum febrium natura medicorum attentionem decepit, cum ex earundem decursu patesceret, hic febrem intermittentem ubique fere subesse, et misa eiusdem larva, vel complicatione gastrica, vel saburræ, tandem eam in intermittentem transiisse. Quamvis enim varia sub forma accederent, et vel febris biliosæ vel nervosæ, vel ipsius typhi formam adsciscerent, vix curabantur, quin in intermittentem tandem terminarentur, et quod rem plane confecit, corticis Peruviani usu audaci optime cederent.

Illud autem singulare ostendebant, quod sub qualibet forma summam debilitatem post se relinque-

querint, et pertinaciter fere recidivas paterentur. Haec de decursu et natura huius febris dicta eo magis sufficere possunt, cum praeclari viri, ac praeceptores aestumatisimi, Clarissimi Thomassen à Thuessink (1) et Bakker (2), imò et medici Groningani (3), uberrime hanc materiem illustraverint et pro more egregie elaboraverint.

§. 2.

Varietates. Causae.

Febres hae, quae pro varia regione aliquatenus erant diversae, ubique tamen eandem fere ostenderunt naturam, ut scilicet febrem intermittentem

(1) E. J. Thomassen à Thuessink, Algem. overzicht der Epid. ziekte te Groningen. Gron. 1827.

(2) Epidemia, quae anno 1826 urb. Groning. afflixit, auctore G. Bakker. Gron. 1826.

(3) Hippocrates Magazijn, Deel VII, 3 Stuk.

tem pro fundamento agnoscerent, in genere tamen mali moris, atque adeo facile sese sub larva alius morbi abscondentem. Imo nulla fere descripta est febris intermittens, ita dictae malignae, forma, quin haec a nobis non semel fuerit observata. Frequens scilicet erat febris soporosa vel apoplectica, syncoptica, cholERICA, enterica, pleuritica, haemorrhagica, quae plerumque, sine ullis prodromis, insidiosè aegrum adgrediebatur et saepe, omnibus incasum adhibitis remediis, etiam primo sub accessu eum e medio tollebant. In aliis autem simplex aderat intermittens, eaque facile remediis ordinariis auscultans, vel et diu resistens, magnis tandem dosibus specifici remedii tollenda erat. Haec febris intermittens etiam diu, Epidemia iam finita, et ubivis nunc fere, inpermixta adeo viget, ut raro inveniatur familia, quin in ea unus pluresve hac febre, plerumque sub forma quartanae, plectantur.

Quaeritur nunc, quaenam sit huius Epidemiae causa? — In genere hic observamus, post nimios calores, non tantum hic loci, sed in pluribus nostrae regionis locis, has febres epidemicas fuisse, quod uberius praeceptores aestuma-

tis-

tissimi, Dr. Buchner(1), Bicker(2), alii-
que exemplis ostenderunt. Plerumque autem prae-
cesferant inundationes notabiles, vel paludum so-
lari calore exsiccatio, qua scilicet ablatis aquis
iam substantiae animales et vegetabiles putredi-
nem pascae, miasma aliquod sanitati infestum
exhalaverint.



§ 3.

Origo dubia.

Observatio tamen nostra docuit, in hac re
adhuc dubii multum relictum esse.

1. Omnes enim in eo conveniunt auctores, in
omnibus regionibus paludosis, febres intermitten-
tes

(1) Nieuwe Verhand. van het Provinc. Utrechts. Ge-
nootschap, V Deel.

(2) Sebastian, über die Sumpfwechselfieber, etc.
Karlsruhe 1815. Verh. van het Bataafsch Genootsch. der
Proefond. Wijsb., IX-Deel.

tes esse epidemicas, et quidem ita, ut eo sint peioris naturae, quo calor maior sit, et exhalationes sint magis putrescentes, uti in agro Romano, in insulis quibusdam Indiae occidentalis etc. ubi porro ultimum locum habet, simul febres remittentes gastricas vel biliosas dominium suum exercere. Tandem in regionibus inundationi fluviorum subiectis, praesertim ubi hic aquae stagnant, etiam frequenter febres intermittentes epidemicae observantur.

2. Docuit observatio, in iis regionibus, in quibus terra argillacea adest, post calores aestivos nimios, ex fossis ficcis vaporem praesertim vesperi post solis occasum exhalari pessimi odoris, unde subito febres biliosae remittentes in intermittentes dein abeuntes exsurgant, quae tamen facile et sponte cessant, ubi mense Octobri vel Novembri frigus calorem excepit; illud, quod in agro Groningano etiam anno praecedente observatum est. Interim tamen hic et illic ibidem adhuc intermittentes observantur. Porro eadem docuit observatio, illos, qui se his vaporibus frigidis exposuerint, hisce febribus facilius prae reliquis correptos esse.

3. In genere observatum fuit, aestate praecedente, in iis locis, ubi littus marinum esset argillaceum, ibi tantum has febres sese manifestasse, imo aquam marinam cum fluviatili dulci mixtam potentissime has febres excitasse, cum contra nullae febres epidemicae observatae sint, ubi littus purum arenosum fuerit. Illud forte infectis maritimis putrescentibus adscribendum est. Confirmatur eo, quod febres malignae et intermittentes uberrime, in Frisia et Transisalaria, illas regiones devastaverint, quae ab aquis maritimis anno praecedente erant inundatae, et in quibus hae aquae adhuc diu stagnaverunt.

4. Non tamen his difficultas omnis solvitur. Etenim non tantum febre intermittente corripuntur illi, qui hasce plagas mari vicinas, cuius littora argillacea sunt, inhabitant, sed etiam idem illud observatum est, in plagis inundatis aqua fluviatili. Illud quod docet observatio clarissimi Bickeri (Act. Societ. Batavae, l. cit.), qui easdem febres remittentes, dein intermittentes reditas, observavit in arte exsiccatis paludibus circa Roterodamum et Goudam. — Idem observarunt quidam medici Frisiae, circa Leovardiam, plures

res eadem febre correptos fuisse, licet inundatio esset producta aqua dulci, neutiquam aqua marina infecta. — Porro in quibusdam locis huius Provinciae et etiam Frisiae altioribus et ab inundatione valde remotis, arenosis, febres haepesime saevierunt.

Dein valde difficulter explicatur origo harum febrium ex miasmate tali paludoso et materia putrida ex locis inundatis exhalato, quando plures ex infecta regione se in alium locum ab his febribus prorsus immunem contulerunt, et licet perfecte sani essent, tamen ibidem, exempli gratia in Gelria febre intermittente corriperebantur. Porro, quod, licet tempus hoc anno haud fuerit calidum, sed potius frigidum et procellosum, anni praecedentis tempestati prorsus oppositum, non tantum omnes fere recidivas patiantur, sed multi adhucdum febre soporosa, cardialgica, maxime quartanis, ad corticem Peruvianum rebellibus, plectantur. Tandem, quod calori et siccitati, non semper insequentibus pluviis frigidis, succedat febris intermittens, sed e contrario aliquando, absque manifesta ratione, non tantum per nostram regionem, sed etiam per al-

altas Germaniae regiones epidemicae fuerint. Iam haec febris intermittens hoc anno plures regiones alias, fanitate conspicuas, plexit, quas calor praecedentis anni 1826 nulla ratione adfecit, ita quidem, ut illa aestate solito minor numerus aegrotantium et mortuorum fuerit.

Concludimus inde, multas adesse causas, quae hucusque nondum perspectae, ulteriori observationi amplam relinquant materiam.

§ 4.

Generalia quaedam circa curandi methodum.

De sequelis huius morbi dicere aliis relinquimus: pauca tantum de curatione harum febrium dicemus.

Febris intermittens in initio epidemiae complicationem cum labe gastrica ostendebat, quae tamen in nonnullis quidem emetico vel cathartico blando tollebatur: ast plerumque non ferebat

re-

remedia fennata vel salina etc. Aliquando tamen simplici methodo resolvente, vel superdatis amaribus, sale ammoniaco tollebatur, cum complicatio catarrhalis plures molestias crearet, et facile in febrem nervosam transiret. In plerisque tamen semitertianae formam cito adsciscebat et naturam intermittens prodebat, quae subito auxilium postulabat, ita ut iam accessu tertio, specifico domari debuerit, quo neglecto, adeo gravis evaderebat accessus, ut mortem minitaretur. In nonnullis leviores etiam sulphatis Chininae, in aliis fortiores ad febrem domandam requirebantur doses.

Febris intermittens simplex, nulla alia complicatione coniuncta, uti iam monui, saepe solis amaribus, infuso flor. Chamomillae rad. gentianae, vel herb. absinthii et similibus cum sale ammoniaco tollebatur. Imo ubi Cortex Peruvianus non ferebatur, haec auxilia aliquando bene cedebant. Cortex Peruvianus variis dabatur dosibus, et formulis, a multis in pulvere, vel solus vel cum tartaro emetico, vel cum sale ammoniaco, vel in decocto dabatur, quae optime febrem domabant. Sub forma alcoholis antifebrilis multos iuvabat.

Re-

Recidivas tamen fere omnes patiebantur, et quidem irregulari periodo, in quibusdam minimo diaetae vitio, vel suscepto frigore boreali — in aliis, nulla evidente causa, hae recidivae valde pertinaces aliquando erant, et vel continuo maiorem corticis quantitatem postulabant, vel uti hodie observamus, ad corticem et eiusdem praeparata aliquando rebelles deprehenduntur, et non raro anili quodam remedio curantur. Nulla autem corticis praeparatio adeo salutaris fuit, quam, quae ut donum divinum considerata est, hoc tempore humano generi tributum, sulphatis chininae detectio.



§ 5.

Observata quaedam circa usum Peruviani corticis et speciatim sulphatis Chininae.

Liceat nunc pauca, quae ab aliis visa sunt, a nobis experientia comprobata deprehensa, hic proferre.

1. Hic itaque animadvertendum, quod, cum bello praesertim maritimo, caro admodum veniat pretio cortex Peruvianus, multi et celebriores etiam medici tentaverint succedaneum huius medicamenti quaerere. Cum vero multi cortices amari et adstringentes sapore et qualitatibus externis in multis conveniant cum Cortice Peruviano, uti cortex Salicis, cortex Hippocastani etc., cum his varia experimenta instituerunt. Nonnullorum ope certe febres intermittentes leviores vernaes curabant, quando scilicet ex debilitate vel alia causa continuabant. Doctissimus I. Mazon Good (1) putabat combinationem adstringentium cum amaris, exempli gratia, Gentianam cum Catechu vel cortice Hippocastani, sistere vires corticis Peruviani: at vero licet aliquando expediverint, tamen recentior observatio docuit in iis casibus, in quibus vires specificae corticis Peruviani requirebantur, in rebellibus scilicet quartanis, vel febribus autumnalibus diuturnis, haec prorsus expectationem fefellisse. Nesciebant scilicet priores, in cortice Peruviano esse principium, quod solum speci-

ci-

(1) Study of Medicine, T. II. pag. 138, 139.

cificum contra febrem intermittentem continet, cum, hoc sublato, vires non específicas, sed communes ostendat. Ante aliquot annos iam Chémici Gomez (1), aliique detexerunt, principium primum in cortice Peruviano dari salinum acidum, sed demum anno 1821 Clariss. Pelletier et Caventou detexerunt, verum principium, scilicet Chininum, substantiam alcaloideam et Cinchoninum, continere vim illam propriam et specificam febrem intermittentem fugandi. Cum vero illud non facile humoribus esset solubile, illud cum acidis coniunxerunt, optime cum acido sulphurico, illudque sal neutrum, humoribus solubile, nobis fistit substantiam illam egregiam, quam sulphatam Chininae nunc appellamus et tam egregio successu adhibemus. Non licet haec uberius persequi, cum praeceptor aestumatisimus, Clariss. Stratingh, in opere egregio omnia, quae huc spectant, plenissime exposuerit (2).

2.

(1) Vid. Stratingh. l. c.

(2) Scheikundige Verhandeling over de Cinchonine en Chinine etc. 1822.

2. Sulphas Chininae, quae maxima copia ex cortice Regio Peruviano elicatur, iam communi omnium consensu suas vires specificas ubivis luculenter confirmavit et multas, prae ipso cortice Peruviano, in multis casibus, praerogativas ostendit. Hae verbo sunt, quod, sub forma et quantitate longe minori, vires integras corticis Peruviani febres intermittentes tuto curandi, contineat. Etenim iuxta observationem Doctissimi Nieuwenhuis (1), uncia corticis Peruviani fusci continet grana VI sulphatis Chininae. — Hinc longe facilius haec grana VI vel forma pulveris, vel pilularum ingeruntur, quam pulvis huius corticis. Verum quoque docuit observatio, in iis casibus, in quibus, ob debilitatem virium digestionis, cortex Peruvianus non fertur, hic sulphatem Chininae optime etiam ab infanti ventriculo digeri, et nullas noxas vel ullum gravamen producere. Dein, in iis casibus, in quibus magna vis huius specifici requiritur, et ab hoc magna quantitate assumptum saepe vita pen-

(1) Verbeterde bereiding der Kina-logzouten, door F. L. A. Nieuwenhuys et C. J. Nieuwenhuys, Amsterdam 1823, pag. 108 et seq.

pendeat, tuto magnas doses huius medicamenti dari posse. Sic, exempli gratia, in febre soporosa, Cholericâ, aliisque febris intermittens speciebus, ita dictis malignis, in quibus accessus sibi invicem subito succedunt, et hinc larga opus est et simultanea adhibitione specifici, tanta quantitas corticis Peruviani requiritur, quae nec ingeri, nec ob ventriculi debilitatem digeri potest. Tuto hic magnae doses, aliquando grana IV vel V, et saepe repetitae, egregie feruntur, cum vomitu reiiciatur cortex in substantia exhibitus. Evidentissimo successu illud comprobavit medicus Gallus Bailly (1), qui in Nosocomio Romano observavit plures laborantes febre intermittente maligna, qui ad unc. VI corticis Peruviani adhibebant, quas iterum evomebant, et omnes fere peribant, cum postea alii eadem ratione affecti, absque ullo incommodo magnas doses sulphatis Chininae egregie ferrent, et omnes hac ratione servarentur. Idem nobis in iisdem

(1) Précis du traité Anatom. Patholog. des fièvres intermitt. Simpl. et Pernicieuses, par E. M. Bailly. Bruxelles 1827.

dem febribus intermittentibus malignis saepius accidit, quod magnae doses sulphatis Chininae, per brevia intervalla datae, statim febrem sedarent et aegrum ex orci faucibus quasi eriperent.

3. Porro, inter magnas sulphatis Chininae praerogativas est quoque illud, quod sulphas Chininae multo minores habeat contra indicationes, quam aliae praeparationes corticis Peruviani, maxime corticis in substantia propinati. Cum enim sulphas Chininae sincerum exhibeat tantum principium amarum ventriculo gratum, vix stimulans, nec corrugans, optime in quovis casu ab eo digeritur, nec ullas noxas producere videtur, in quibusvis etiam constitutionibus. Etiam sub qualibet fere complicatione, ubi febris intermittens vehementia urget, tuto datur, nec ullas noxas creat. Imo quod magis est, experimenta nunc uberrime demonstrant, sublato stadio frigoris, etiam dari tuto posse, in ipso febrili accessu, idque egregio cum effectum. — In febre soporosa, (quando scilicet nondum facta est effusio vel extravasatio) saepe, non neglectis aliis medelis derivantibus, in medio accessu dedimus
sul-

fulphatis Chininae magnas doses, eo effectu, ut vel sequens accessus vel prorsus non adveniret, vel longe esset mitior, sopore destitutus. Idem valet, ubi simul adest semitertiana vel semiquartana, et hic etiam saepe coacti fuimus medio sub accessu sulphatem Chininae dare. — Initio quidem gravat aliquatenus hic medicamentum, et cum febre intermittente quasi certamen init, saepe quoque semel, vel bis accessus redit: illud tamen a continuato usu detertere non debet, quia certe tertius non adveniet accessus.

4. Diximus vix adesse huius remedii contraindicantia: et revera, illud habet praerogativum, quod sub quovis fere vehiculo dari possit, et etiam tenellis infantibus dosi grani $\frac{1}{4}$ ad $\frac{1}{2}$, in pilula cum succo Liquiritiae vel cum melle, vel rob Sambuci facile ingeratur, et quod coniungi possit cum aromatibus, roborantibus, ipsis etiam laxantibus, optimo etiam cum effectu, quod itaque multis numeris prae aliis corticis Peruviani praeparatis praeferendum sit.

Non videtur nocere, licet rheuma, vel levis gradus inflammationis subfit, si modo simul ve-

naesectiones, hirudines et alia antiphlogistica, vel etiam ubi cum antimonialibus, tartaro emetico, vino antimoniali etc. adhibeatur.

5. Si autem res non urget, satius est sulphatem Chininae partitis dosibus extra accessum dare, cum tunc non ita gravet, ut illud quidem aliquando sub febre exhibitum accidit. Dosis autem accommodata sit gravitati febris, in qua re tamen pro vario individui statu multam observavimus varietatem; cum saepe febrem satis gravem 10 vel 15 dosibus grani I devicerimus, cum in aliis 20 gr. et ultra non sufficerent, maxime in iis, in quibus iam frequenter recidivas passi sunt: in his enim, Corpus huius medicamenti actioni facile quasi adsuescit, ita ut hic multo fortiores doses requirantur.

Hoc tempore quartanae adeo pertinaces sunt, ut vel et 60 grana aliquando non sufficiant, ad febris accessum domandum, dum tamen hae eadem febres aliquando amaris et resolventibus extr. gentian. extr. card. bened. cascarillae, sale ammoniaco et Martialibus aliquando statim auscultant. Porro notandum, ordinario post accessum remanere quamdam stricturem circa praecordia, qua-

quasi cingulum abdomen cingens. Illud tribuendum infarctibus et obstructionibus abdominalibus tum a fordibus, tum ab infarctu hepatis, lienis, et systematis venae portarum pendentibus. Haec tollantur nisi resolventibus, laxantibus, praesertim clysmatibus; graves inde noxae, maxime vitia hepatis et lienis insurgunt. Magna copia in fartuum et sordium, hoc pacto ordinario iam sedata febre, summo cum levamine educitur. Licet autem non tantum nostrates medici, sed etiam Germani pro sacra anchora habeant sulphatem Chininae, tamen non possumus facere cum aliquibus, uti cum Doctissimo Meijer (1), qui credunt sulphatem Chininae non tantum febrem, sed omnes eius sequelas simul tollere. In recenti casu illud saepe procedit, non vero in inveterato.

6. An igitur in omni casu ita profuerit sulphas Chininae, ut prorsus cortice Peruviano in substantia vel in aliis praeparatis carere possimus, illud vix credere nobis licet. Non negamus etiam sulphati Chininae vires excitantes et roborantes competere, et tamen putamus vires

cor-

(1) Vide Hufelands Journal, Tom. 64.

corticis Peruviani, roborantes, in tota ipsius substantia contentas adhibendas esse, adeoque eundem vel in substantia vel vino aut alia ratione vel forma ad tonum viscerum restituendum adhibendum esse. Imo persuasi sumus ipsius corticis adhibitionem longe melius relapsus praecavere. Cum successu itaque dedimus post devictos accesus febriles, vel corticem in substantia cum aromatibus, vel vinum corticis Peruviani cum cortice aurantiorum, rad. gentianae, vel ipsius decoctum, vel extractum, vel praeparationem cum magnesia vel ita dictum alcohol antifebrile (1).

7. Ut autem verbo ad dosin et adhibendi rationem redeamus, multum differunt medici et auctores in forma et dosi exhibenda. Putant plures, uti *Magendie*, doses granorum trium vel quatuor sufficere (2): forte illud in leviori casu profecit, hic autem in febre nostra rebeli vix infra 20 grana dosibus gr. II, omni hora vel bihorio, has domare potuimus, quum in febre maligna aliquando doses gr. V quavis hora datae vix, nisi ali-

(1) Praeparationem huius remedii hic loci valde usitati exhibet Cl. Stratingh.

(2) Revue Medicale, Mars 1827, p. 556.

aliquando post secundum vel tertium febris accessum, illam tollere poterant (1). Forma, sub qua optime datur, est ea pulveris cum saccharo, tumque huius solubilitatem auget additio quaedam aceti, vel succi citri: pilulae saepe durae fiunt et a viribus ventriculi non solvuntur.

8. Verum porro quaeritur, an sola vis febri-fuga in principio illo alcaloideo in Chinina et minori gradu in cinchonina resideat. De hac re autem duplici de causa dubitamus. Primo, quod aliae praeparationes, quae vix Chininam continent, tamen etiam febrem tollunt, dein quod residuum post Chininae extractionem, remanens etiam vires antifebriles continet (2).

Quod ad primum, docet observatio extractum corticis Peruviani, vel frigide, vel methodo Garayana paratum per magnesiā, Chininam tantum valde parca copia continere. Cortices, ex quibus haec extracta parata sunt, adhuc multum

Chi-

(1) Ex observatione Clariss. Pelletier, constat dr. II corticis Peruviani regii vel flavi continere gr. III et $\frac{2}{3}$ partes sulph. Chinin. Vide Revue Medicale, Avril 1827, p. 140.

(2) Clarissimus Pelletier, Revue Medicale, Mars 1827, p. 556.

Chininae continent, ipsa vero extracta in America et quidem e cortice recenti parata, parum Chininae dabant, erant autem amara et febrifuga.

Dr. Robinet credit, corticis agendi vim non pendere a sola quantitate Chininae contentae: Pelletier tamen monet, partes gummosas aliasque, quae Chininae adhaerent, eam certe copiam adhuc sustinere, ut omnes prorsus educi nequeant. Robiquet credit, non ex solis principiis Chininae, ad effectum medicamentorum concludi semper posse, cum saepe haec sola principia non involuta non adeo bene aegrotantes ferant: Chinina e. g. melius fertur, si cum gummi arabico detur, quam si per se sola exhibeatur.

Quod ad alterum, si verum est, vim febrifugam corticis Peruviani non a solo Chininae principio pendere; sed utique alias partes et suum ad hoc conficere, quaeritur primo; an residuum, quod post separationem sulphatis Chininae remanet, substantia picea, amara, resinosa, quae certe satis magnam huius principii quantitatem continet, sed quae non nisi difficillima ratione, ab ea separari potest, num igitur haec remanens Chinina, nullas vires febrifugas retineat. Revera
hic

hic loci plura experimenta instituta sunt cum illo residuo, eo cum effectu, ut febris fuerit sublata, scilicet si exempli gratia dupla quantitate detur, quodsi vero, quod fieri potest, omnis Chinina tollatur e lixivio, tunc vires nullas febrifugas exstent. Testati sunt plures medici, hic praxim exercentes, qui non tantum residuo hoc gummoso vel resinoso febrem sustulerunt: illud quod ipse propriis et repetitis experimentis confirmare possum. Sed uti Clarissimus S. Stratingh adfirmat, se impuram sulphatem Chininae et valde brunneam, efficacissimam in febre tollenda deprehendisse. Americanus Clar. Chapman quoque similia experimenta cum residuo Chininae fecit, et febrem dosibus gr. I fugavit (1).

Altera quaestio est, quae ex aliorum experimentis erit diiudicanda, an non saltem in aliquibus casibus praestaret dare praeparationes tales, quae integras vires corticis Peruviani contineant, ita tamen, ut principium Chininae aliis occultum et inactuofum nunc eliciatur, et plane suas vires exferere valeat. Proposuit nuper Hermstaedt in

(1) Med. Chirurg. Zeitung von Ehrhard, 1827.

in diario Hufelandi (1), coquere corticem peruvianum cum certa quantitate aceti vel acidi citri.

Tandem proh dolor! magna quantitas sulphatis Chininae, quae nunc adhibetur et carum, quo venit pretium, fecit, ut immenso aegrotantium damno, haec substantia adulteraretur, variis aliis additis substantiis, quod non facile detegitur, cum sapor intense amarus maneat, licet dimidia Sacchari addatur pars. Adulteratur autem inprimis cum borata, mannata, et steatita. De modo illud detegendi nunc Chemici solliciti sunt. Quam ob rem Clar. v. d. Boon Mesch et expertissimus Uilkens (2), experimenta, quae huc pertinent, publici iuris fecerunt, in Diario *Kunst en Letterbode*, No. 38, d. 21 Septemb. 1827. p. 182.

(1) Hufeland, Journ. T. LXIV. St. 6. pag. 56.

(2) Kunst en Letterbode, No. 49. pag. 362.

TANTUM.



THE-

T H E S E S.



I.

Licet sana Empiria in exercenda praxi utique admittenda sit, tamen hoc rationalem Medicinam non excludit.

II.

Errant, qui putant in morbis sanandis primariam curae partem constituere medicamenta, cum horum administratio, licet optime indicata, sine observatione diaetae adaptatae, ad morbum sanandum non sufficiat.

III.

III.

Secretio bilis, ope venae portarum, in hepate fit, cum arteriae hepaticae potissimum nutriendo hoc organo inservire videantur.

IV.

Dysenteria plerumque catarrhum intestinorum crasforum, praesertim intestini recti sistit.

V.

Ventriculi perforatio vel emollitio, quae hodie tam frequenter observatur, videtur plerumque inflammationis effectus esse.

VI.

Tusim convulsivam pro spastica adfectione nervorum pulmonalium habemus.

VII.

VII.

Licet docimasia pulmonalis sola non sufficiat ad vitam foetus extra uterum probandam, tamen haec cum aliis signis coniuncta, medicum satis certo de vita foetus pronuntiare facit.

VIII.

Studium medicinae forensis, prohi dolor! aequae a medicis, quam ab Iuris hodie nimium quantum negligitur: hinc advocati nonnunquam in medicos sunt iniurii, cum cadaveris inspectionem et latum de lethalitate vulneris iudicium sugillant. Faciunt tamen id nonnunquam iure merito.

IX.

Ad luxationem maxillae non sufficit vis externa qualiscunque sola, nisi accesserit spasmus musculi Masseteris, divaricatione ipsius articuli sub angulo mutato contracti; quo fit, ut condylus maxillae anteriora versus provehatur.

X.

X.

Causa cur mulier mox a partu minus bene ingrediatur, pro parte tantum, eâque minimâ, esse statuo in resolutione symphyseos pubis et musculorum abdominalium; sed maxime pendere a centro graviditatis ac motus in unum punctum restituto, quorum seiunctioni, ex eaque ortae necessitati musculis praesertim utendi trunci extensoribus sub graviditate corpus iam asfueverat.

XI.

Hodierna scientiae luce non illustrati, atque adeo non veri sunt Naturae ministri, qui partum Facie vel Pedibus vel Natibus praevium, arte solvere moliuntur.

XII.

Dictum illud Harveyianum, *omne vivum ex ovo*, veritati non videtur esse consentaneum.

XIII.

XIII.

Materia ipsa vivit: in universum autem illa valet lex, ut, quo corpus quoddam est complicatius ratione principiorum, eo etiam superiore gaudeat vitae gradu.

XIV.

Princeps turgoris causa in sanguinis motu intestino videtur esse posita.

XV.

Omnis materia in corpore animali sanguini suam debet originem.



CHAPTER

THE first of the most important events in the history of the world is the birth of the human race. It is a subject which has attracted the attention of all ages and all nations. The history of the human race is a subject which has attracted the attention of all ages and all nations. The history of the human race is a subject which has attracted the attention of all ages and all nations.

SECTION

The history of the human race is a subject which has attracted the attention of all ages and all nations. The history of the human race is a subject which has attracted the attention of all ages and all nations. The history of the human race is a subject which has attracted the attention of all ages and all nations.

ARTICLE

The history of the human race is a subject which has attracted the attention of all ages and all nations. The history of the human race is a subject which has attracted the attention of all ages and all nations. The history of the human race is a subject which has attracted the attention of all ages and all nations.

CHAPTER

The history of the human race is a subject which has attracted the attention of all ages and all nations. The history of the human race is a subject which has attracted the attention of all ages and all nations. The history of the human race is a subject which has attracted the attention of all ages and all nations.



